



Universitätsbibliothek Paderborn

**Stephani Balvzii Miscellaneorvm Liber ... Hoc est,
Collectio Vetervm monumentorum, quæ hactenus
latuerant in varijs codicibus ac bibliothecis**

Baluze, Etienne

Parisiis, 1679

Henrici Archiepiscopi Remensis epistola increpatoria ad Cardinales
Romanæ Ecclesiæ in causa Drogonis Cancellarij Noviomensis.

urn:nbn:de:hbz:466:1-14735

aliam per adulterium copulavit. Vnde tam ipse quam
ejus adultera anathematis meruerunt vinculis inno-
dari; &, sicut credimus, antecessor noster boni
memoriae Eugenius Papa prohibuit ne filij qui ex
adultera susciperentur, in paternam succederent he-
reditatem. Ceterum quoniam secundum legum sta-
tuta filius est quem legitimae nuptiae demonstrant,
nec filius sed spurius dicitur qui de adulterio nasci-
tur, fraternitati vestrae per apostolica scripta man-
damus quatinus ne illi jure successionis vel adultera
aliquid de supra scripta hereditate ratione donatio-
nis propter nuptias sibi vindicent, districtius pro-
hibeatis, & hoc fieri nullatenus permittatis, & si
quis eidem G. super hoc injuriam vel molestiam
inferre presumperit, cum ad vos inde querela per-
venerit, debitam de eo & plenam justitiam facias.
Datum apud Montempessulanum xiv. Kal. Sep-
tembris.

*HENRICI ARCHIEPISCOPI
Remensis epistola increpatoria ad Cardina-
les Romanæ Ecclesiæ in causa Drogonis Can-
cellarij Noviomensis.*

Anno 1170.

REverendis in Christo Patribus Episcopis &
Cardinalibus sanctæ Romanæ Ecclesiæ filiis
Henricus Remorum dictus Archiepiscopus salutem
& reverentiam. Non sine admiratione multa & ani-
mi concussione recenseo quod apud vos nec gratiam
meretur obsequium, nec amor vicissitudinem, nec
humilitas adjumentum. Si vos in summo rerum car-
dine divina miseratio collocavit, non sibi contraria
sed voluntati suæ similia quærerit à suis professoribus
exerceri. Ipse qui dicit, *Ego diligentes me diligo,*

servo suo dictum recipit: *Tu autem Domine sabaoth omnia cum tranquillitate judicas. & cum magna reverentia disponis nos.* Si vestræ condescendit abjectioni divina dignatio, si dilectionis, tranquillitatis, & reverentiae munus æterna majestas exhibet hominum servituti, quid homo debet reserare homini, qui non utique servus sed conservus est sub imperio conditoris? Adorari se prohibet angelus ab Apostolo; nec attendit conditionem carnis, sed superius dominantis arbitrium; nec honorem suscipiens Apostolus tumescit, nec erubescit angelus hominem revereri, qui genus humanum noverat Domini sui sanguine reparatum. Locum ejus tenetis. Vices agere debetis, & figuram similitudinis imitari. Si vobis, non necessitatis articulo, sed divinæ vocis imperio subservimus, num debemus gratiam promereri? Cultoribus suis refert Deus gratiam pro gratia, & dilectores suos multiplici suffragio consolatur. Nos pro servitio reportamus offensam, pro beneficiis iuria, dissensiones pro pace, pro dilectione molestiam. Quod fovemus opprimitis, quod adversamur assumitis. Et sic in vacuum cedit nostra devotio, quam vobis constanter tempore necessitatis exhibuimus, non verbo, neque lingua, sed opere & veritate. Dat omnibus affluenter divina bonitas, & nulli improperat. Nec nos obsequia nostra vobis ad improbum replicamus; sed de fructu operum nostrorum volumus justa vicissitudine satiari. Sat est dictum sapientibus. Quicquid enorme est complanat secura correctio. Agite igitur quod debetis. Et si quid sumus in oculis vestris, si quid possumus apud vos, si quid de vobis bene meruimus, sentiat vestræ dilectionis efficaciam dilectus & familiaris noster Drogo Noviomensis Cancellarius, quem Dominus Papa, sicut placuit, non, sicut credimus, ut decuit, duro sententiæ suæ destituere videtur elogio;

P iiij

cujus molestia nos non immerito tangit, & angu
erubescensia quam sine præjacenti culpa creditur
stinere.

EIVSDEM EPISTOLA AD
Alexandrum III. de eodem argumento.

REverendo in Christo patri & Domino Ale
xandro Deigratiā summo Pontifici Henrico
Remorum dictus Archiepiscopus salutem & rever
entiam. Nullus est homini justior dolor quam be
neficij sui perdere diligentiam; nec debitoris ani
mum gravior potest incur sare molestia quam cum
progratiæ merito titulus reportetur offensæ. Miror,
& mirari satis non sufficit animus meus, quid occa
sionis intervenit, quid accedit meriti mei, quid ope
ris intercedit, ut Moysi manus sentiam graves, &
affectioni patris non qualem merui repræsentet effe
ctus. Quod enim fovere desidero vestra decolorat
auctoritas; & quibus derigore justitiae adversor, ve
stra benevolentia sublevat in profectum. Audiunt
inimici mei & vestri opus vestrū & rancorem
meum; & lætantur quoniam vos fecistis. Non est
affectionis filialis apud animum patris occultare quod
dolet, sed de planta tristitiae fructum querere gau
diorum. Duo fecistis opera quæ miror, nec minus
vicem vestrān quam meam doleo in illis. Inutilita
tem, ne dicam gravius, Atrebatensis illius promo
vetis in publicum. in quo & Ecclesia illa turbatur,
confunditur justitiae rigor, Ecclesiæ prædia dissipan
tur. Noviomensis Ecclesiæ Cancellarium, virum, ut
credo, honestatis & religionis amatorem, & meum
familiarem, non citatum, non auditum, non con
victum canonicè, nec de propria confessione reum,
à gradu suo, sicut accepi, removere intenditis; cu